

卷二十

書名 春秋穀梁註疏二十卷
 撰者 晉 范甯 集解，唐 陸德明
 音義，唐 楊士勛 疏
 卷 卷二十
 內容分類 經 春秋 春秋穀梁 唐
 索書號 經部 彙刻 1
 編號 A 329600

[彩色首頁1](#)

[東洋文化研究所漢籍目錄 編號: A 329600](#)

[東洋文化研究所漢籍目錄所藏漢籍善本全文影像資料庫 索書號: 經部 彙刻 1](#)

[漢籍善本全文影像資料庫文本春秋穀梁註疏二十卷](#)

版權所有: [東京大學](#) [東洋文化研究所](#)

[使用上的注意事項](#)

春秋穀梁註疏隱公卷第一
一起元年
盡三年

晉范甯集解

唐楊士勛疏

春秋穀梁傳隱公第一

疏


春秋至第一。釋曰春秋者此書之大名傳之解經

隨條卽釋故冠大名於上也名曰春秋者以史官
 編年記事年有四時之序春先於夏秋先於冬故
 舉春秋二字以包之賈逵云取法陰陽之中知不
 然者以孝經云春秋祭祀以時思之豈是取法陰
 陽之中故知非也玉藻云動則左史書之言則右
 史書之左史所書春秋是也右史所書尚書是也
 則春秋立名必是仲尼以徃三代以來不審誰立
 之耳仲尼所修謂之經經者常也聖人大典可常
 遵用故謂之經穀梁所修謂之傳不敢與聖人同
 稱直取傳示於人而已故謂之傳魯世家隱公名

春秋

辛丑葬哀公。凡葬哀公。

二雨不克葬日中而克葬各二具謂四函也。二為六。哀公育六限。燬同文以哀之。彌。宣人平莠。宣人平莠矣。宣人平莠矣。宣人平莠矣。



春秋穀梁註疏哀公卷第二十四

起元年盡十四年

晉范甯集解

哀公疏 公名蔣定公之子敬王三十六年即位十四年西狩獲麟春秋終矣二十七年薨諡曰哀

周書諡法恭仁短折曰哀

元年春王正月公即位

楚子陳侯隨侯許男圍蔡 隨久不見者衰微也。稱侯

者本爵俱侯土地見侵削故微爾定六年鄭滅許今

復見者自復也。不見賢遍及下。隨久至微也。復見同復扶又反。釋曰僖二十

穀梁疏 卷之二十一 穀梁傳


年冬楚人伐隨以來更不見經將是衰微不能自通於盟會故也本爵俱侯者隨本侯爵自僖二十年見經至今俱侯盟更不為貶黜但土地見侵削故微爾昭八年楚師滅陳十一年楚師滅蔡侯廬歸于蔡陳侯吳歸于平丘而復陳蔡故經書蔡侯廬歸于蔡陳侯吳歸于陳是有文見復也其許男則定六年鄭游速帥師滅許以許男斯歸其間更無歸文今許男復見經者明是許男自復

鼯鼠食郊牛角改卜牛夏四月辛巳郊**傳**此該之變而

道之也**傳**該備也春秋書郊終於此故於此備說郊

之變變謂郊非其時或牲被災害**傳**此該至之也○

至于三月郊之時也三卜禮之正凡書郊皆譏范例云書郊有九僖二十一年夏四月四卜郊不從乃免牲猶三望一也宣三年郊牛之曰傷改卜牛牛死乃不郊猶三望二也成七年鼯鼠食郊牛角三也襄七



年夏四月三卜郊不從乃免牲四也襄十二年夏四月四卜郊不從乃不郊者五也定公哀公並有牲變不言所食處不敬莫大二罪不異并為一物六也定十五年五月郊七也成十七年九月用郊八也及此年四月辛巳郊九也下傳云子之所言至道之何也然則據此而言牛有傷損之異卜有遠近之別亦在其於變之中又有言焉**傳**於災變之中又有可善而

言者**傳**於災至言者○釋曰郊牛日日展視其解角而知其傷是展盡道矣即於災變之中有可善而言者但備災之道不盡致此**鼯鼠食郊牛角**

改卜牛志不敬也郊牛日展解角而知傷展道盡矣

傳展道雖盡所以備災之道不盡譏哀公不敬故致

大變○解音糾又音求**郊自正月至于三月郊之時也夏四**

月郊不時也五月郊不時也夏之始可以承春以秋之末承春之始蓋不可矣

也夏始承春方秋之末猶為可也 ○有差初賣反

○釋曰自正月二月三月此三春之月是郊天之正時也若夏四月五月以後皆非郊月如其有郊並書以示譏然則郊是春事也如郊在四月五月之中則是以夏始承春其過差少若郊在九月之中則是以秋末承春其過極多則自五月至八月其九月用郊

間有郊亦以承春遠近為過之深淺也 九月用郊

用者不宜用者也

在成十七年郊三卜禮也 以

十二月下辛卜正月上辛如不從則以正月下辛卜

二月上辛如不從則以二月下辛卜三月上辛所謂



三卜也鄭嗣曰謂下一辛而三也求吉之道三故曰

禮也

鄭嗣至三也 ○釋曰如嗣之意以十二月

之上卜不吉以至二卜不吉以至三卜求吉之道三故曰禮也

四卜非禮也

十一年襄十一年皆四卜五卜強也

成十年五卜

四卜非禮也 ○釋曰僖三十一年以十二月下辛

卜正月上辛不從則以正月下辛卜二月上辛不

從則以二月下辛卜三月上辛所謂三卜禮也今以

以強釋之卜免牲者吉則免之不吉則否牛傷不言傷之

者傷自牛作也故其辭緩宣三年郊牛之日傷以

牛自傷故加之言緩辭則否方九反全曰牲傷曰牛未牲

曰牛其牛一也其所以為牛者異巳卜日成牲而


傷之曰牛未卜日未成牲之牛二者不同有變而不

郊故免卜牛也巳牛矣其尚卜免之何也災傷不

復以郊怪復卜免之禮與其亾也寧有於禮有卜

之與無卜寧嘗有卜嘗置之上帝矣故卜而後免之

不敢專也嘗置之滌宮名之曰上帝牲矣故不敢



擅施也滌徒歷反擅市戰反施式氏反又如字卜之不吉則如之何不

免安置之繫而待六月上甲始庀牲然後左右之庀

庀具也待具後牲然後左右前牛皆我用之不復須

卜巳有新牲故也周禮曰司門掌授管鍵以啟閉國

門祭祀之牛牲繫焉然則未左右時監門者養之庀

匹爾反鍵其展反又其偃反監古街反予之所言者牲之變也而曰我

一該郊之變而道之何也我以六月上甲始庀牲十

月上甲始繫牲十一月十二月牲雖有變不道也至道

牲有變則改卜牛以不妨郊事故不言其變子之

及及流 卷之二十一 郊特牲

也。○釋曰：上言子曰：弟子問穀梁子之辭，而曰：我者是弟子述穀梁子自我之意。我以六月者是穀梁子答前弟子之辭。我以六月，上甲始庀牲，凡具猶簡擇未繫之。待十月，然後始繫。養若六月，簡訖以後，有變則七月、八月、九月，上甲皆可簡擇。故傳云：六月，上甲始庀牲。明自六月為始。七月、八月、九月，皆可簡牲。自十月繫之，有變則改卜。卜取吉者，十一月、十二月亦然。是繫之三月也。故傳云：十月，上甲始繫牲。十一月、十二月，牲雖有變，不道也。是也。待正月，然後言牲之變。周正是郊時之正。如其牛有變，然後言之。二月、三月亦然。重待正月，然後言牲之變。此乃所以該郊也。

至郊時，然後言其變。重其妨郊也。十二月不道，自前可知也。至正月，然後道。則二月、三月亦可知也。此所以該郊言其變道盡。

說此乃至該郊。○釋曰：自六月上甲始庀牲，十月始繫牲，自



十二月以前，牲雖有變，不道。自正月，然後云牲之變。乃不郊卜，免牲言與不吉如此之類，皆是該備郊事。言牲變之道盡悉也。

郊享道也貴其時大其禮其養牲雖小不備可也。○享許

通庀繫之禮雖小，不備合時得禮用之可也。○享許

子不忘三月卜郊何也。○三月謂十二月正月二月

也。○釋曰：三月至二月。○釋曰：既言十二月下辛卜正

月上辛，怪經不書此。十二月下辛，二月下辛，卜三

正月上辛，怪經不書此。十二月下辛，二月下辛，卜三

之時也。○有變乃志常事，不書我以十二月下辛卜

正月上辛，如不從，則以正月下辛，卜二月上辛，如不

從則以二月下辛卜三月上辛如不從則不郊矣

意欲郊而卜不吉故曰不從郊必用上辛者取其新

絜莫先也

秋齊侯衛侯伐晉

冬仲孫何忌帥師伐邾

二年春王二月季孫斯叔孫州仇仲孫何忌帥師伐邾

取鄆東田及沂西田

取鄆東田鄆東未盡也及沂西田沂西未盡也

鄆沂皆水名邵曰以其言兼西則知其未盡也

音郭沂魚依反

癸巳叔孫州仇仲孫何忌及邾子盟于句繹

地 ○句古侯 反釋音亦 三人伐而二人盟何也各盟其得也

季孫不得田故不與盟

音預

夏四月丙子衛侯元卒

滕子來朝

○朝直 遙反

晉趙鞅帥師納衛世子蒯聵于戚


鄭君曰蒯聵欲殺母靈公廢之是也若君薨有反國之道當稱子某如

齊子糾也今稱世子如君存是春秋不與蒯聵得反

立明矣江熙曰鄭世子忽反正有明文子糾但於公

子為貴非世子也疏十四年左傳云衛侯為夫人南
 子召宋朝會于洮大子蒯聵獻孟于齊過宋野野人
 歌之曰既定爾婁豬盍歸吾艾豶大子羞之謂戲陽
 速曰從我而朝少君我顧乃殺之速曰諾乃朝夫人
 夫入見大子三顧速不進夫人見其色啼而走曰蒯
 聵將殺余公執其手以登臺大子奔宋是也云當稱
 子某者公羊云君在稱世子君薨稱子某既葬稱子
 踰年稱君范取公羊為說也云如齊子糾也者莊九
 年九月齊人取子糾殺之是也云鄭世子忽反正有
 明文者桓十五年鄭世子忽歸于鄭傳曰反正也然
 則鄭世子忽反正春秋不非稱世子則蒯聵稱世子
 亦是反正不非之限是其子糾稱子某但於公子
 之中為貴謂是右勝之子非世子與鄭忽蒯聵不同
 如熙之意則蒯聵合傳納者內弗受也帥師而後納
 立而輒拒父非是也

者有伐也何用弗受也以輒不受也以輒不受父之



**命受之王父也信父而辭王父則是不尊王父也其
 弗受以尊王父也**疏甯不達此義江熙曰齊景公廢

世子世子還國書篡若靈公廢蒯聵立輒則蒯聵不
 得復稱曩日世子也稱蒯聵為世子則靈公不命輒
 審矣此矛盾之喻也然則從王父之言傳似失矣經
 云納衛世子鄭世子忽復歸于鄭稱世子明正也明

正則拒之者非邪疏信父音申篡初患反復扶又反

常允反又音允拒疏信父至父也釋曰輒先受王

音巨邪似嗟反疏父之命而有國今若以國與父
 則是申父也若申父而辭王父則是不尊王父也何
 者使父有違命之愆故其不受使父無違命之失則

尊王父也。○齊景至書纂。○釋曰：下六年齊陽生入于齊，齊陳乞弑其君荼，傳云：陽生正荼，不正。則其曰君何也？荼雖不正，已受命矣。此與莊九年齊小卯入于齊同文，則稱名書入者皆一辭也。然則蒯賁花已被廢，則當與陽生同文，稱衛蒯賁入戚，不得自稱曩日世子。○矛楯之喻也。○釋曰：莊子云：楚人有賣矛及楯者，見人來買矛，即謂之曰：此矛無何不徹。見人來買楯，則又謂之曰：此楯無何能徹者。買人曰：還將爾矛刺爾楯，若何？然則矛楯各自言之，則皆善矣。若相對言之，則必有不善者矣。喻今傳文，輒若申父而辭王父，是不受父則蒯賁違父為不善，若以鄭忽稱世子以明反正，則輒之拒父為醜行，亦是非不可並故云。

秋八月甲戌，晉趙鞅帥師及鄭罕達帥師戰于鐵。鐵

衛地。○鐵他。鄭師敗績。

冬十月葬衛靈公。○七月葬蒯賁之亂故也。○至故也。

○釋曰：隱五年夏四月葬衛桓公，傳曰：月葬故也。月葬憂危最甚，不得備禮葬也。此月葬故知有故也。彼註云：有祝吁之一故。此則蒯賁之亂故也。

十有一月蔡遷于州來，蔡殺其大夫公子駟。

三年春，齊國夏衛石曼姑帥師圍戚。○此衛事也。其先

國夏何也？子不圍，父也不繫戚于衛者，子不有父也。

○江熙曰：國夏首兵，則應言衛戚。今不言者，辟子有

父也。子有父者，戚繫衛則為大夫，屬于衛子圍父者

謂人倫之道絕，故以齊首之。○曼姑音。○戚繫至

萬辟音避。○于衛。○釋。

日諸侯有國大夫有邑大夫之邑國君之有若言圍衛戚是戚繫衛便是子之而圍父也故以國夏為首也

夏四月甲午地震

五月辛卯桓宮僖宮災傳言及則祖有尊卑解經不


言及僖由我言之則一也遠祖恩無差降如一故

不言及遠祖至言及釋曰凡言及者皆以尊

昭尊可以及穆若自我言之則遠祖親盡尊卑如一

故不言及案左氏孔子在陳聞火曰其桓僖乎言廟應毀而不毀故天災也

季孫斯叔孫州仇帥師城啟陽稱帥師有難難乃



宋樂髡帥師伐曹髡苦門反

秋七月丙子季孫斯卒

蔡人放其大夫公孫獵于吳宣元年晉放其大夫胥

甲父于衛傳曰稱國以放放無罪也然則稱人以放

放有罪也

冬十月癸卯秦伯卒

叔孫州仇仲孫何忌帥師圍邾

四年春王二月庚戌盜弒蔡侯申稱盜以弒君不以

上下道道也以上下道道者若衛祝吁弒其君完

之類是直稱盜不在人倫之序

釋以上至類是○

完隱四年經文祝吁稱國稱名及言弑其君者是下

道言弑其君謂此死者是其臣之君而臣弑之故以

君臣上下道道之今不稱名氏直稱盜盜是微賤稱

賤不稱弑其君則此死者非是盜者之君則盜疏外

無君是不在人倫上下之序 **內其君而外弑者不以弑道道也**

襄七年鄭伯將會中國其臣欲從楚不勝其臣弑而


死不使夷狄之民加乎中國之君故曰鄭伯髡原如

會未見諸侯丙戌卒于操是不以弑道道也 **內其**

也○釋曰猶尊內其君而疏外弑者故不與疏外者

得弑君之道道之故抑之為盜若鄭伯髡原實被臣

弑其書自卒抑臣為夷狄之民亦是也 **春秋有三盜微殺大夫謂之盜**



而取之謂之盜 十三年冬盜殺陳夏區夫是 **非所取**

國之正道以襲利謂之盜 **定八年陽貨取寶玉大弓是辟中**

者也 **辟中** 辟中至襲利 ○釋曰辟中國之正道

者也 音避 而行同夷狄不以禮義為主而微幸

以求名利若齊豹之類故抑而書盜者也

蔡公孫辰出奔吳

葬秦惠公

宋人執小邾子

夏蔡殺其大夫公孫姓公孫霍

殺梁流

卷之二十一

殺古閣

晉人執戎蠻子赤歸于楚

城西郭音郭也

六月辛丑亳社災音孚殷都于亳武王克紂而班列其社

于諸侯以為亾國之戒劉向曰災亳社戒人君縱恣

不能警戒之象釋曰書序云湯始


都亳湯自商丘遷焉故曰從先王居釋曰書序云湯始

及盤庚五遷將治亳殷是都亳之事釋曰書序云湯始

社也亳亾國也釋曰書序云湯始亳即殷也殷都于亳故因謂之亳

社亾國之社以為廟屏戒也釋曰書序云湯始立亳之社於廟之外

以為屏蔽取其不得通天人君瞻之而致戒心釋曰書序云湯始



亳至之外釋曰周禮建國之神位左宗廟右社稷彼謂天子諸侯之正社稷霜露者周禮又云決陰事

于亳社明不與正同處明一在西一在東故左氏日間於兩社為公室輔是也

社不得達上也釋曰書序云湯始必為之作屋不使上通天也緣有

屋故言災

秋八月甲寅滕子結卒

冬十有二月葬蔡昭公釋曰書序云蔡昭公不書弒君之賊而昭公書葬

既謂之盜若殺微賤小人不足錄之釋曰書序云蔡昭公冬十有至昭

侯時葬正也今書月者以明危亦見不葬而書葬者春秋賊不討則不書葬若不書葬則見賊不討今書

葬者使若弒者實是盜微賤小人雖討訖不足錄

葬滕頃公音頃

五年春城毗

夏齊侯伐宋


晉趙鞅帥師伐衛

秋九月癸酉齊侯杵臼卒杵昌呂反

冬叔還如齊

閏月葬齊景公傳不正其閏也閏月附月之餘日喪

事不數數所主反
閏月葬以見喪事亦不數之例
閏月至不數釋曰案經書閏月葬者年若數閏則十三月故書



六年春城邾瑕

晉趙鞅帥師伐鮮虞

吳伐陳

夏齊國夏及高張來奔

叔還會吳于柤柤注加反

秋七月庚寅楚子軫卒軫之忍反

齊陽生入于齊齊陳乞弒其君荼不日荼不正也

音舒又音徒一音丈加反
也荼不日
陽生入而弒其君以陳乞主之何也不

以陽生君茶也其不以陽生君茶何也陽生正茶不正不正則其曰君何也茶雖不正已受命矣國已受

命于景公而立故可言君入者內弗受也茶不正何

用弗受以其受命何以言弗受也國先君已命立之


於義可以拒之陽生其以國氏何也取國于茶也國

何休曰即不使陽生以茶為君不當去公子見當國

也又穀梁以為國氏者取國于茶齊小白又不取國

于子糾無乃近自相反乎鄭君釋之曰陽生篡國故

不言公子不使君茶謂書陳乞弒君爾茶與小白其



事相似茶弒乃後立小白立乃後弒雖然俱篡國而

受國焉爾傳曰齊小白入于齊惡之也陽生其以國

氏何取國于茶也義適互相足又何自反乎子糾宜

立而小白篡之非受國于子糾則將誰乎國當去起

賢遍反糾居黜國茶弒至後殺國釋曰案上六年

反惡之烏路反國經書齊陽生入于齊齊陳乞弒其

君茶傳云陽生入而弒其君以陳乞主之何也不以

陽生君茶也是茶弒之後陽生乃立案莊九年夏齊

小白入于齊九月齊人取子糾殺之是小白立乃後

殺也義適互相足者莊九年傳云小白入于齊惡之

殺梁流

卷之二十一

汲古閣

冬仲孫何忌帥師伐邾

宋向巢帥師伐曹

七年春宋皇瑗帥師侵鄭○瑗于春反

晉魏曼多帥師侵衛○曼音萬


夏公會吳于繒○繒在陵反

秋公伐邾八月己酉入邾以邾子益來○傳以者不以者

也夫諸侯有罪伯者雖執猶以歸于京師魯非霸

主而擅相執錄故日人以表惡之○擅市戰反惡焉路反傳及註同

疏夫諸侯至于京師○釋曰僖二十八年晉人執衛侯歸之于京師傳曰歸之于京師緩歸也歸在



京師也是衛侯有罪晉文伯者執之猶以歸于京師之事○故日入以表惡之○釋曰案范例云僖二十八年七月丙午晉侯入曹執曹伯昇宋人傳曰入者內弗受也日入惡入者也欲惡則月據此日入與彼例同故知日入以表惡之**益之名惡也**○惡其不能死社稷春

秋有臨天下之言焉○徐乾曰臨者撫有之也王者

無外以天下為家盡其有也○春秋至言焉○釋曰此下三者皆以內外

辭別之王者則以海內之辭言之即僖二十八年天王狩於河陽傳曰全天王之行也是也王者微弱則

以外辭言之即僖二十四年天王出居于鄭傳曰失天下也是也**有臨一國之言焉**

疏諸侯之臨國亦得有之如上於天下○有臨至言焉○釋曰

此亦據內外言之若宣九年辛酉晉侯卒于扈傳曰其地于外也其日未踰竟也既以內外顯地及日是

以一國有臨一家之言焉大夫臨家猶諸侯臨國

疏有臨一家至焉○釋曰家謂采地若文元年毛伯來錫公命定四年劉卷卒其毛劉皆采邑名大夫

氏采為家大夫稱家其言來者有外魯之辭焉非

是以一家言之也已內有從外來者曰來今魯侯身自以歸而曰來是

外之也其言至辭焉○釋曰凡言來者非已內有

從外始來即邾庶其以漆間丘來奔是也


今書魯侯以邾子益來而文與庶其

正同文切直者有外魯侯之辭焉爾

宋人圍曹

冬鄭駟弘帥師救曹

八年春王正月宋公入曹以曹伯陽歸



吳伐我

夏齊人取讎及闡宣九年傳曰內不言取言取授之

也以是為賂齊此言取蓋言賂也魯前年代邾以邾

子益來益齊之甥也畏齊故賂之及闡

歸邾子益于邾侵齊故也

益之名失國也○釋曰經書歸

於王法當絕故

秋七月

冬十有二月癸亥杞伯過卒過

齊人歸護及闡傳凱日歸邾子故亦還其賂

九年春王二月葬杞僖公

宋皇瑗帥師取鄭師于雍丘傳雍丘地也○雍於傳取

易辭也以師而易取鄭病矣傳以師之重而宋以易


得之辭言之則鄭師將劣矣○易以豉反傳以師而

矣○釋曰凡書取皆易辭今以鄭師之重而令宋以

易得之辭言之鄭之將帥微弱矣亡軍之咎本由君

夏楚人伐陳

秋宋公伐鄭



冬十月

十年春王二月邾子益來奔

公會吳伐齊

三月戊戌齊侯陽生卒

夏宋人伐鄭

晉趙鞅帥師侵齊

五月公至自伐齊傳傳例曰惡事不致公會夷狄伐齊

之喪而致之何也莊六年公至自伐衛傳曰不致則

無以見公惡事之成也將宜從此之例○以見傳

例至不致。○釋曰：襄十年公會晉侯，云云齊世子光會吳于柤，傳曰：會夷狄不致，惡事不致是也。云傳曰：不致，則無以見公惡事之成也。者案莊公五年公會齊人，云云伐衛，註云：納惠公朔，逆天王之命也。六年公至自伐衛，傳曰：惡事不致，此其致何也？不致，則無用見公之惡事之成也。是也。此年二月公會吳伐齊，之喪是惡事，宜不致而致，亦以見公惡事之成也。

葬齊悼公

衛公孟彊自齊歸于衛

○彊苦侯反

薛伯夷卒

秋葬薛惠公

冬楚公子結帥師伐陳，吳救陳

十有一年春，齊國書帥師伐我

夏，陳轅頗出奔鄭

○頗破何反

五月公會吳伐齊，甲戌，齊國書帥師及吳戰于艾陵，齊

師敗績，獲齊國書

與華元同義，艾陵，齊地

○艾五蓋反

傳

與華元同義。○釋曰：宣二年，宋華元帥師及鄭公子歸生帥師戰于大棘，宋師敗績，獲宋華元，傳

曰：獲者不與之辭也。言盡其衆以救其將也。以三軍敵華元，華元雖獲不病也。是以此同義。

秋七月辛酉，滕子虞母卒

冬十有一月葬滕隱公

衛世叔齊出奔宋

十有二年春用田賦

古者九夫為井十六井為丘丘

賦之法因其田財通共出馬一匹牛三頭今別其田

及家財各出此賦言用者非所宜用

○別如字又彼列反

賦○釋曰古者一丘之田方十六井一百四十四夫

軍賦之法因其田財通出馬一匹牛三頭今乃分別

其田及家財各令出此賦則一丘之田出馬二匹牛

六頭故曰用田賦言非所宜用也謂之田賦者古者

但賦其家財今又計田貢故曰田賦也

○古者九夫至為丘○釋曰案周禮小司徒職九夫為井四井

為邑四邑為丘四丘為甸然則井方一里九夫邑方

二里四井三十六夫丘方四里十六井百四十四夫

甸方八里六十四井五百七十六夫軍賦之法丘出

馬一匹牛三頭甸出長轂一乘馬四匹牛十二頭甲

士三人步卒七十二人此甸八里據實出賦者言之

其畔各加一里治溝洫者司馬法成方十里出革車

一乘者通計治溝洫者言之其實一也今指解經云

用田賦者是丘之賦故云九夫為井十六井為丘也

然經即云用田賦而使丘民以成元年作丘甲民盡

作甲則知此用田賦亦令一丘之民用田賦也宣十

五年初稅畝則計畝以稅所稅畝十畝稅其一此則

通公田什一而不畝計故彼言稅而此言賦也

丘賦至三頭

釋

曰凡丘賦之法因其民之所受公

田什一及私家之財通融共出馬一匹牛三頭以一

丘之民共出此賦以家財為主故曰丘賦今又分別

其所受公田各令出此馬牛之賦故曰用田賦也論

語曰哀公云二吾猶不足如之何

○

古者公田什一


其徹也即此田財並賦之驗也

用田賦非正也

釋

古者五口之家受田百畝為官田

十畝是為私得其什而官稅其一故曰什一周謂之



中平之法而田財竝賦言其賦民甚矣

○為官于偽反稅舒鏡反

夏謂戶

疏

古者公至非正也○釋曰凡受農田皆私

雅反

田百畝公田十畝但由公田私田皆公家

所受故總曰公田什一則以田之什一及家財而出

馬牛之賦是其正也今魯用田與財各出馬牛之賦

非正也○**疏**古者五至百畝○釋曰周禮小司徒云

上地家七人可任也者家三人鄭註曰一家男女七

人以上則授之以上地所養者寡也男女五人以下

則授之以下地所養者寡也止以七六五為率者有

夫有婦然後為家自二人以至於十人為九等則七

六五為其中也老者一人其餘疆弱相半此其大數

也然則周禮七人五人六人三等范唯言五口之家


受田百畝指下等言之其實六人七人亦受田百畝

與周禮不異也為官田十畝者受田百畝之外又受

十畝以為公田是為私得其十而官稅其一故漢書

殖貨志井田一里是為九夫八家共之各受私田百

畝公田十畝是為八百八十畝餘二十畝為廬舍則



家得二畝半凡家授田一百十二畝半也今傳言公

田什一者舉其全數據出稅言之周謂之徹殷謂之

助夏謂之貢其實一也者出孟子文彼云滕文公問

為國於孟子孟子對曰夏后氏五十而貢殷人七十

而助周人百畝而徹其實皆什一是也然二代受畝

悉皆什一則入皆一百一十畝夏后政寬計其五十

畝而貢五畝於公殷人計其七十畝而助十畝於公

周人盡計一百一十畝而徹十畝於公徹者通也什

一而稅為天下通法故詩云徹田為糧是也皆通法

者孟子云重之于堯舜大桀小桀輕之于堯舜大貉

小貉什一而稅頌聲作則什一而稅堯舜亦然為

通法也貢起堯舜則古者公田什一是堯舜之時明

此什一之法也范說不與先儒同

其先儒皆云什一者十中稅一耳

夏五月甲辰孟子卒**傳**孟子者何也昭公夫人也其不

言夫人何也諱取同姓也**注**葬當書姓諱故亦不書

葬。○取如字。葬當至書葬。○釋曰：莊二十二年人而書葬，今孟子卒雖不稱夫人，准弋氏應書葬不言者，知諱同姓，故范例夫人薨者，十而書葬者，十夫人之道，從母儀，即桓公夫人文姜一莊公夫人哀姜二，僖公之母成風，三文公之母聲姜，四宣公之母頃熊，五成公之母穆姜，六成公之嫡夫人齊姜，七襄公之母定姒，八昭公之母歸氏，九哀公之母定弋，十公夫人諱同姓，二者皆不書葬也。

公會吳于橐臯

橐臯某地

○橐章夜反一音託

秋公會衛侯宋皇瑗于鄆


鄆某地

○鄆音云

宋向巢帥師伐鄭

冬十有二月螽

○螽音於



十有三年春鄭罕達帥師取宋師于岳

○岳五咸反

取易

辭也以師而易取宋病矣

取易

取易辭至病矣。○釋曰：上九年宋皇瑗取鄭師

今鄭罕達取宋師其事正反嫌宋為人所報非宋之病故重發以同之

夏許男成卒

公會晉侯及吳子于黃池

及者書尊及卑也黃池某

地

及者至卑也。○釋曰：隱二年傳云會者外為主焉，爾今言公會晉侯，則晉為主於黃池，而公

往會之既以晉侯為主，會無二尊，故言及以卑吳也。則與桓二年范註云會盟言及別內外也，尊別言及

序上下也，亦同何者外吳。○**黃池之會**吳子進乎哉而尊晉別內外序上下也。

遂子矣

進遂稱子吳夷狄之國也祝髮文身。○祝

斷也文身刻畫其身以為文也必自殘毀者以辟蛟

龍之害○祝之六反斷音短辟音避蛟音交

荆揚之域厥土塗泥人

多游泳故刻畫其身以為蛟龍之文與之同類以辟其害


欲因魯之禮因晉之權

而請冠端而襲

襲衣冠端玄端

○欲因魯至而襲釋曰魯是守

文之國禮義之鄉晉執中國之權為諸侯盟主故吳于欲因之而冠必欲因之者以鄭伯髡原欲從中國而被殺于鄆吳子亦恐臣子不肯變從故因魯之禮因晉之權然後羣臣向化以魯禮天下共依晉權諸侯所服故也是以明堂說魯云天下以為有道之國天下資禮樂焉是也云請冠端而襲者請著玄冠玄端而相襲○襲衣冠端玄端釋曰吳俗祝髮文身衣皮卉服不能衣冠相襲今請加冠于首身服玄端則衣冠上下共相掩襲故云襲衣也詩云其軍三軍彼毛傳云三軍相襲彼謂三軍前後為相襲則此



衣冠上下亦為相襲也玄端者謂玄端衣而端幅制之即諸侯視朝之服也諸侯視朝之服緇有衣素積○裳緇玄○其藉于成周○藉謂貢獻○藉謂貢獻○一也

所有以獻于成周若禹貢齒革羽毛納錫大龜惟金三品之類著於藉錄以為常職故知藉謂貢獻也

以尊天王吳進矣吳東方之大國也累累致小國以

會諸侯以合乎中國

○累累猶數數也

○累累如字數所角反

○

○累累猶數數也

○釋云東方之國吳為最大吳舉小國必從會吳于相于道于繪于池之類積其善

事故言數數致小國以合乎中國也

吳能為之則不臣乎

○言其臣

也吳進矣王尊稱也子卑稱也辭尊稱而居卑稱以

會乎諸侯以尊天王吳王夫差曰好冠來孔子曰大

矣哉夫差未能言冠而欲冠也○不知冠有差等唯

欲好冠○尊稱尺證反下同○王尊稱也子卑稱也

常僭號稱王是其尊稱今去僭號而稱子是其卑稱

也○不知冠有差等○釋曰冕有旒數不同則冠

亦有差等之別吳為子爵其冠之飾必

不得與公侯同等但未知若為差等爾

楚公子申帥師伐陳


於越入吳

秋公至自會○吳進稱子又會晉侯故致也○吳進

○釋曰襄十年傳曰會夷狄不致致會者一以吳

晉魏曼多帥師侵衛

進稱子二又為公會晉侯以此三事之故致之爾



葬許元公

九月螽

冬十有一月有星孛于東方○不書所孛之星而曰東

方者旦方見孛眾星皆沒故○孛○不書至方者

年有孛星入于北斗昭十七年有星孛于大辰彼皆

言所孛之星此不言所孛之星直言東方者彼北斗

大辰未沒之時有故得言所孛之星此則旦明之時

方乃見孛其東方常見之星竝以沒盡故不言所孛

盜殺陳夏區夫○傳例曰欲殺大夫謂之盜○區夫

十有二月螽

殺

卷之二十一

涉古

十有四年春西狩獲麟

杜預曰孔子曰文王既沒文

不在茲乎此制作之本旨又曰鳳鳥不至河不出圖

吾已矣夫斯不王之明文矣夫關雎之化王者之風

麟之趾關雎之應也然則斯麟之來歸於王德者矣

春秋之文廣大悉備義始於隱公道終於獲麟

反不出如字又赤遂反矣夫音扶不王于

况反下王德同雎七余反之應于敬反


○釋曰論語云文武之道未墜於地在人文王既沒

其身孔子有制作之意中庸云有其德無其位不得

制作有其位無其德而不得制作孔子雖懷聖德而

道不王故有制作之志而不為也

○釋曰凡聖人受命而必鳳鳥至河出圖洛出書故



孔子曰鳳鳥不至河不出圖吾已矣夫言已無瑞應

道終不王故云斯不王之明文矣

者之風○釋曰子夏詩序云關雎之化王者之風言

后妃有關雎之意也

曰詩序文言后妃有關雎之德為王者之風故感麟

來應之以見其趾趾足也

王德者矣○釋曰由后妃有關雎之化為王者之風

故致得麟來應之然則孔子有王之德故亦感得麟

來應之故斯應麟之來歸于王德者謂孔子也

春秋至獲麟○釋曰其詩周南則始於關雎篇終於

傳例至不與也。○釋曰：宣二年大棘之戰，鄭公子歸生獲宋華元，傳曰：獲者不與之辭也。上十一年艾陵之戰，具獲齊國書范，云：與華元同義。是諸侯皆不與之辭也。今言獲麟者，欲言此麟自為孔子有王者之德而來，應之魯引而取之，亦不與魯之辭也。必使魯引取之者，天意若曰：以夫子因魯史記而修春秋，故也。然則孔子修春秋，乃獲麟之驗也。

狩地不地不狩也。非狩而曰狩，大獲麟，故大其適也。○**適**猶如也。之也，非狩而言狩。

大得麟，故以大所如者名之也。且實狩當言冬不當言春。

狩地至適也。○釋曰：桓四年春，公狩于郎，莊書地則非狩也。非狩而曰狩者，大得此驗，故以大其所如者名之。○**實**狩至言春。○釋曰：案桓四年傳云：春曰田，夏曰苗，秋曰蒐，冬曰狩，是也。

其不言來不外麟於中國也。其



不言有不使麟不恒於中國也。○**雍**曰：中國者蓋禮

義之鄉，聖賢之宅，軌儀表於遐荒，道風扇於不朽，麒

麟步郊不為暫有，鸞鳳栖林非為權來。雖時道喪，猶

若不喪，雖麟一降，猶若其常。鸚鵡非魯之常禽，蜚蜮

非祥瑞之嘉虫，故經書其有以非常有此，所以取貴

于中國春秋之意義也。○**道**喪息浪，反鸚音權，音鸚。○**鸚**

鵲至嘉虫。○釋曰：昭二十五年經書有鸚鵡來巢，莊

二十九年經書秋有蜚，莊十八年經書秋有蜮，傳皆

曰：一有一亡，曰有是也。○**麟**所以至中國。○釋曰：麒

麟一致不為暫有，雖時道喪，猶若不喪如此為文，是

皇即崇禎八季歲在胎蒙入澗獻寺真也氏繡鑄

春秋穀梁註疏哀公卷第二十終



